



## Leiðbeiningar Tekjufirlýsing 2016

### Skýringar með einstökum liðum

Gakktu úr skugga um hvort þú hafir stöðu „skattgreiðanda með erlenda heimilisfestu“ með því að styðjast við reikningsdæmin í leiðbeiningum framtalsins.

Sem „skattgreiðandi með erlenda heimilisfestu“ áttu kost á að nýta sömu frádráttarræði, skattaafslátt og skattleysismörk og íbúi í Hollandi, svo sem frádrátt vaxtakostnaðar vegna íbúðarhúsnæðis til eigin nota (erlendis).

Uppfyllir þú öll skilyrðin sem gilda um „skattgreiðendur með erlenda heimilisfestu“? Æskilegast er að þú sendir tekjufirlýsinguna með skattframtali þínu. Náirðu því ekki skaltu senda skattframtalið án frekari tafa, til að þú þurfir ekki að sækja um frest til að skila því. Láttu ekki bregðast að senda tekjufirlýsinguna á eftir skattframtalinu. Ef þú gerir það ekki telstu ekki vera með stöðu „skattgreiðanda með erlenda heimilisfestu“. Á álagningarseðli þínum er þá ekki tekið tillit til þeirra frádráttarræða, skattaafsláttarræða og ákvæða um skattleysismörk eigna sem íbúar í Hollandi njóta. Við munum hafa samband við þig vegna þessa.

Sendu eyðublaðið til:

Belastingdienst/Kantoor buitenland  
Postbus 2577  
6401 DB Heerlen

### Hefurðu aðrar spurningar?

Nánari upplýsingar má nálgast á [www.belastingdienst.nl/internationaal](http://www.belastingdienst.nl/internationaal). Þú getur einnig hringt í þjónustuver okkar fyrir útlönd: +31 55 538 53 85. Opnunartími: frá mánudegi til fimmtudags frá 8:00 til 20:00 og á föstudögum frá 8:00 til 17:00.

### Skilyrði til að teljast „skattgreiðandi með erlenda heimilisfestu“

Þú hefur stöðu „skattgreiðanda með erlenda heimilisfestu“ árið 2016 ef þú uppfyllir eftirfarandi skilyrði:

- Þú greiðir skatt af tekjum þínum í Hollandi að öllu eða nær öllu leyti. Svo telst vera ef þú greiðir skatt af a.m.k. 90% heimstekna þinna í Hollandi.
- Þú hefur heimilisfestu í ESB-ríki, Liechtenstein, Noregi, Íslandi, Sviss, á Bonaire, St. Eustatius eða Saba.
- Þú getur lagt fram tekjufirlýsingu frá skattayfirvöldum í búsetulandi þínu.

### Dæmi

Þú býrð í Belgíu og vinnur í Hollandi. Tekjur þínar í Hollandi nema 50.000 €. Þú greiðir alla skatta af þessum tekjum í Hollandi. Þú hefur engar aðrar tekjur eða eignir. Þú býrð í ríki innan ESB og greiðir skatt af tekjum þínum í Hollandi að öllu eða svo til öllu leyti. Þú hefur stöðu „skattgreiðanda með erlenda heimilisfestu“ ef þú getur einnig lagt fram tekjufirlýsingu.

### Eignir og tekjur vegna verulegra eignarhluta teljast með

Þegar 90% markið er ákvarðað horfum við ekki aðeins á vinnu- og leigutekjur þínar. Eignir og tekjur vegna verulegra eignarhluta (nl. aanmerkelijk belang) teljast einnig með. Því getur hugsast að þú greiðir alla skatta af vinnutekjum þínum í Hollandi án þess að uppfylla skilyrðið um 90% markið vegna þess að þú átt miklar eignir.

### Dæmi

Þú býrð í Þýskalandi og vinnur í Hollandi. Tekjur þínar í Hollandi nema 50.000 €. Af þeim greiðir þú allan skatt í Hollandi. Auk þess áttu eignir í Þýskalandi, þ.e. sparnað, hluta- og skuldabréf, að upphæð 160.000 €.

Samkvæmt hollenskum reglum nema tekjur þínar af sparnaði og eignum 4% af 160.000 € = 6.400 €. Af þessum tekjum greiðir þú engan skatt í Hollandi. Jafnframt hefurðu tekjur að upphæð 50.000 € sem eru skattaðar í Hollandi. Þú greiðir skatt í Hollandi af 88,7% heildartekna þinna, en þær nema 56.400 €. Hlutfallið er sem sagt lægra en 90% af tekjum þínum. Þú hefur því ekki stöðu „skattgreiðanda með erlenda heimilisfestu“.

### Atriði sem ekki eru tekin til greina við ákvörðun á 90%-mörkunum

Þegar 90% markið er ákvarðað tókum við ekkert tillit til neikvæðra útgjalda vegna lífeyrissparnaðar, neikvæðra persónubundinna frádráttarlíða, (neikvæðra) tekna af íbúðarhúsnæði til eigin nota, útgjalda vegna lífeyrissparnaðar, persónubundinna frádráttarlíða, frádráttar vegna engra eða lágra skulda í íbúðarhúsnæði til eigin nota, né skattleysismarka eigna.

### Dæmi

Þú býrð í Þýskalandi og vinnur í Hollandi og Þýskalandi. Tekjur þínar í Hollandi nema 50.000 €. Þær eru að öllu leyti skattlagðar í Hollandi. Tekjur þínar í Þýskalandi nema 4.500 €. Þær eru að öllu leyti skattlagðar í Þýskalandi. Þú átt íbúðarhúsnæði til eigin nota í Þýskalandi. (Neikvæðar) tekjur þínar af íbúðarhúsnæði til eigin nota nema 10.000 €.

Við ákvörðun 90%-markanna er miðað við að heildartekjur þínar séu 54.500 €. Af þessum tekjum eru 50.000 € skattlagðar í Hollandi. Það eru 91,7% heildartekna. (Neikvæðar) tekjur þínar af íbúðarhúsnæði til eigin nota teljast ekki með við ákvörðun 90%-markanna. Þú hefur stöðu „skattgreiðanda með erlenda heimilisfestu“ ef þú getur einnig lagt fram tekjufirlýsingu.

## Skýringar með einstökum liðum (frh.)

### Samsköttun

Ertu í sambúð? Og óskar þú eftir að fá samsköttun? Þetta er hægt ef þú uppfyllir eftirfarandi skilyrði:

- Þú uppfyllir reglur um samsköttun.
- Bæði þú og maki/sambýlisaðili þinn uppfyllir 90%-regluna. A.m.k. 90% samanlagðra heimstekna ykkar eru skattlögð í Hollandi.

### Athugið!

Hafa bæði þú og maki/sambýlisaðili þinn stöðu „skattgreiðanda með erlenda heimilisfestu“ en skilar maki/sambýlisaðili þinn engu skattframtali? Þá þarf maki/sambýlisaðili þinn einnig að fylla út tekjufirlýsingu og senda okkur.

## Skýringar á einstökum liðum tekjufirlýsingarinnar

### Liður 2a

Ef þér er ekki kunnugt um fæðingardag þinn skaltu færa inn: 01-01-19.. (dd-mm-öðáá).

Með skráningarnúmeri er átt við númerið sem skattayfirvöld í búsetulandi þínu hafa látið í té. Það er númerið sem þú hefur hjá skattayfirvöldum í búsetulandi þínu.

### Liður 4a

Fylltu út þennan lið ef þú stundar sjálfstæðan atvinnurekstur eða ert hluthafi í félagi og færð greiddan arð úr félagi sem er ekki skattlagt í Hollandi.

Nánari upplýsingar varðandi arð úr fyrirtækjum má nálgast á [belastingdienst.nl/zakelijk](http://belastingdienst.nl/zakelijk).

### Liður 4b

Hér færirðu inn launatekjur og sjúkrabætur sem ekki voru skattlögð í Hollandi.

Sem dæmi um launatekjur og sjúkrabætur má nefna:

- allar tekjur frá atvinnuveitanda, s.s. laun, orlofsgreiðslur, ökutæki til eigin afnota og bónusgreiðslur
- bætur vegna veikinda
- greiðslur vegna starfsþjálfunar

Þessar upphæðir er að finna á ársyfirlitinu sem atvinnuveitandi þinn eða bótaskrifstofa hefur látið þér í té. Nánari upplýsingar um laun og sjúkrabætur má nálgast á [belastingdienst.nl](http://belastingdienst.nl) undir „werk en inkomen“.

### Liður 4c

Hér færirðu inn þjóf fé, hlutafjárkaupréttindi og aðrar tekjur úr launuðu starfi sem voru ekki skattlagðar í Hollandi. Athugið! Tekjur af starfi sem einyrki eða í lausamennsku sem og aukatekjur skal telja fram í lið 4h.

### Liður 4d

Færðu inn bætur og greiðslur sem ekki voru skattlagðar í Hollandi. Sem dæmi um bætur og greiðslur má nefna:

- eftirlaunagreiðslur
  - ellilífeyrisgreiðslur; s.s. „AOW“-bætur frá de Sociale Verzekeringsbank (SVB)
  - uppsagnarbætur, s.s. biðlaun opinberra starfsmanna
  - greiðslur vegna flýttara starfsloka, s.s. snemmtöku lífeyris.
  - makalífeyri og bætur vegna munaðarleysis, s.s. „Anw“-bætur frá SVB
  - almannatrygginga- og atvinnuleysisbætur, s.s. „WW“- eða „Wwb“-bætur
  - örorkubætur, s.s. „Waz“- , „IOAZ“- , „IOAW“- , „Wajong“- , „WIA“- eða „WAO“-bætur
  - greiðslur lífrentu sem hafa sætt frádráttarskattgreiðslu
  - eingreiðslur lífrentu og eingreiðslur lífeyrissparnaðar sem hafa sætt frádráttarskattgreiðslu
- Þessar fjárhæðir er að finna á ársyfirlitinu sem bótaskrifstofan eða tryggingafélagið hefur látið þér í té. Nánari upplýsingar er að finna á [belastingdienst.nl](http://belastingdienst.nl) undir „werk en inkomen“.

### Liður 4e

Fylltu út þennan lið ef þér voru greiddar lífrentueingreiðslur eða eftirlaunaeingreiðslur sem ekki voru skattlagðar í Hollandi.

### Liður 4f

Færðu inn tekjur undanþegar skatti sem þú aflaðir hjá alþjóðlegri stofnun.

Sem dæmi um tekjur undanþegar skatti má nefna laun frá:

- Evrópusambandinu
- Sameinuðu þjóðunum
- NATO
- Alþjóðadómstólnum
- Evrópsku einkaleyfastofunni
- ESA/Estec

### Liður 4g

Þennan lið skaltu einungis fylla út ef þér voru greidd eftirlaun frá Evrópusambandinu.

## Skýringar á einstökum liðum tekjufrýsningarinnar (frh.)

### Liður 4h

Fylltu út þennan lið ef þú hafðir starfstekjur sem voru ekki skattlagðar í Hollandi og þú gerðir ekki grein fyrir í liðum 4a til og með 4g.

### Liður 4i

Gefðu upp tekjur af eignum, sem þú afhentir öðrum til nýtingar, s.s. húsnæði, skuldakröfum, líffryggingum, tilteknum kaupréttindum og nýtingarréttindum.

Hér skal færa inn tekjurnar að frádregnum frádráttarbærum kostnaði og skattsleysishluta.

Nánari upplýsingar er að finna á [belastingdienst.nl](http://belastingdienst.nl) undir „werk en inkomen“.

### Liður 4j

Færðu inn móttekinn framfærslulífeyri og þar að lútandi eingreiðslur.

Eftirfarandi greiðslur og bætur falla undir þennan lið:

- framfærslulífeyrir þér ætlaður, greiddur af fyrrverandi maka
- ellilífeyrir sem fyrrverandi maki lét ganga til þín
- eingreiðslur framfærslulífeyris sem þú tókst við frá fyrrverandi maka
- leiga fyrir leiguhúsnæði sem fyrrverandi maki hélt áfram að greiða
- vextir af þínum hluta húsnæðisskuldar (í eigin húsnæði) sem fyrrverandi maki greiddi
- fjárhæðir sem þú tókst á móti vegna uppgjörs lífeyrisréttinda eða líffrentu, þar sem iðgjöld hafa verið færð til frádráttar
- reiknað leiguvirði íbúðar til eigin nota (nl. eigenwoningforfait) þetta á aðeins við ef, á grundvelli (bráðabirgða-)samkomulags um framfærslulífeyri, þú bjóst í húsnæði árið 2016 sem fyrrverandi maki var (með)eigandi að. Var fyrrverandi maki þinn (með-)eigandi þessa húsnæðis að hluta? Gefðu þá upp samsvarandi hluta reiknaðs leiguvirðis.

Nánari upplýsingar er að finna á [belastingdienst.nl](http://belastingdienst.nl) undir „werk en inkomen“.

### Liður 4k

Reglubundnar bætur og þar að lútandi eingreiðslur, sem ekki hafa sætt frádráttarskattgreiðslu, eru færðar inn í þessum lið. Draga má frá kostnað sem þú stofnaðir til við að tryggja þér eða halda þessum bótum.

Sem dæmi um reglubundnar bætur má nefna:

- reglubundin ríkisframlög vegna íbúðarhúsnæðis til eigin nota, t.d. húsnæðisbætur vegna kaupa á eigin íbúð (nl. premiekoopwoning)
- aðrar reglubundnar bætur, hlunnindi og fríðindi eða eingreiðslur þeirra, t.d. námsstyrkir og greiðslur líffrentu Hlunnindi og fríðindi eru greiðslur í öðru en peningum.

### Liður 4l

Með öðrum tekjum er átt við:

- skattbæran hluta líffryggingarbóta
- leigutekjur frá tímabili fyrir 1. janúar 2001 sem þú eða ólögráða börn þín tókuð ekki á móti fyrr en árið 2016.
- endurgreidda vexti húsnæðisláns (v/húsnæðis til eigin nota)

### Liður 4n

Fylltu út þennan lið ef þú sóttir vinnu með almenningsfarartækjum og fjarlægðin (önnur leiðin) milli heimilis þíns og vinnustaðar var meiri en 10 kílómetrar.

Nánari upplýsingar er að finna á [belastingdienst.nl](http://belastingdienst.nl) undir „reisafretrek openbaar vervoer“.

### Liður 4q

Fylltu út þennan lið ef þú og maki þinn áttuð a.m.k. 5% hlutabréfa í félagi sem ekki voru skattlögð í Hollandi.

Nánari upplýsingar má nálgast á [belastingdienst.nl](http://belastingdienst.nl) undir „aanmerkelijk belang“.

### Liður 4r

Í þessum lið skaltu færa inn þinn hluta þeirra heildareigna, að frádregnum skuldum x 0,04, sem ekki voru skattlagðar í Hollandi. Viðmiðsdagsetning er 1. janúar 2016.